

春秋左傳釋人

春秋左傳釋人卷六

河內范照藜乙青纂

諸侯臣考二

吳臣考

公族

公子黨襄十三年爲楚所獲

公子札壽夢季子一稱季札一稱季子食采於延陵州來二

邑又稱延州來季子襄十四年吳子諸樊除喪將立

之札固辭欲棄室而耕於野乃舍之二十九年聘魯

觀周樂歷聘於齊晉鄭衛諸邦昭二十七年吳子僚

使遷聘於上國公子光弑僚札歸遂奉光爲君哀十
年帥師救陳文采風流賢名久著其評論周樂品隲
公卿具有知人論世之識不獨讓國風高爲第一流
人也 案自襄十四年至哀十年共歷七十五年季
子於見傳時已能讓國其年約在二十內外蓋已近
百歲矣享年之久惟齊鮑文子七十四年成十七年定九亦
近百歲可以肩隨此外見傳者魯臧文仲六十七年
莊十一 晉史趙五十八年襄三十 楚苗賁皇五十六
文十 魯季文子文六 晉趙同趙括傳二十四 齊
昭五 崔武子宣十七 俱五十四年晉韓宣子五十三年

襄七 昭二十八 趙嬰齊五十一年 信二十四 范獻子五十

八年 襄十四 魯孟獻子四十七年 宣九 晉中行交

子 昭二十九 鄭子大叔 襄二十二 俱四十六年 吳大

宰嚭 昭二十七 鄭公孫黑肱 宣十四 俱四十五年

晉范武子 僖二十八 鄭子產 襄八 齊管仲 莊八

俱四十四年 周公忌父 莊十六 衛孔成子 成十

昭晉趙文子 成八 趙簡子 昭二十五 鄭國參 昭三十

哀二 俱四十三年 魯臧武仲 成十八 晉魏獻子 襄二

定秦伯車 成十三 俱四十二年 衛孫文子 成七

公叔文子 襄二十九 宋華元 文十六 向戌 成十五 齊

晏平仲

襄十七昭二十六

俱四十一年晉中行桓子

僖二十七

宣十知武子

宣十一襄十四

齊陳書

昭十九哀十一

楚養由基

宣十

襄十五伍員

昭十九哀十一

俱四十年附記於此

蹇山

夷末族弟昭五年如楚犒師楚靈執之以歸十九年

令尹子瑕言於楚平而歸之拘於楚者凡十五年

案傳文及穀梁傳皆云吳子壽夢生子四人長諸樊

次餘祭次夷末次季札不聞另有諸子則蹇由之爲

夷末族弟明矣何得妄註爲母弟耶

季苦雒昭二十一年與偃州員以師救華氏俱爲宋所執

太子諸樊昭二十三年入鄭取楚夫人杜注以爲王僚太子補

正駁之曰諸樊乃僚伯父太子不應與之同名且僚子尚幼此必諸樊之太子光抑亦傳寫之誤耳 案補正之言甚是附載於此以質學者

公子掩餘僚母弟昭二十三年與公子光帥師同拒七國之師二十七年僚使與燭庸伐楚圍潛公子光弑僚掩餘奔徐燭庸奔鍾吾三十年光使二國執之皆奔楚

案此人爲僚之母弟傳文明甚杜氏於昭二十三年注爲壽夢子以誤後人而陳氏世族譜遂謂吳同時有兩公子掩餘列爲二人豈不大錯

公子燭庸亦僚母弟

夫槩王光弟定四年入郢有功歸而自立明年奔楚爲堂谿氏 案夫槩其名也自立爲王故稱夫槩王

子山 光子定四年入郢處令尹之宮夫槩王攻而去之

太子終曠光子夫差兄定六年敗楚舟師 案是人爲太子而

不立當是早卒

王子姑曹哀八年從吳伐魯十一年艾陵之戰將下軍一稱公

子姑曹

太子友夫差太子哀十三年與彌庸俱爲越所獲

孫彌庸

王子地哀十三年助彌庸戰獲越二帥

公子慶忌哀二十年諫夫差不聽被殺 案此人未詳所出世
族譜定爲夫差子近是而又引他書中王僚有子名
慶忌爲要離所殺者遂謂吳有兩公子慶忌一爲夫
差子一爲僚子列爲二人不知傳文祇有此慶忌並
不載僚子之慶忌何得妄爲增出耶

諸大夫

壽越 襄五年如晉

鮑設諸勇士伍員薦於公子光昭二十七年爲光刺王僚被
殺 案鮑諸爲姓名設語詞也如孟施舍之類 四

書釋地謂人姓名不當於中間用語助詞以魯有少

左傳卷八
施氏遂謂孟施當與少施一例豈未讀左氏傳之鱣
設諸耶附記於此以質學者

偃州員詳見公子苦雉

鱣諸子名失載公子光以其父死立之爲卿見昭二十七年
洩庸 哀二年如蔡納聘

徐承 哀十年帥舟師自海入齊

胥門巢伐齊將上軍

展如 將右軍 二人並見哀十一年

行人且姚爲衛所殺見哀十二年

壽於姚與大子友等並爲越所獲

申叔儀乞糴於魯公孫有山氏 二人並見哀十三年

外臣

狐庸 楚巫臣子巫臣奔晉使其子爲吳行人以謀楚見成

七年襄三十一年聘於晉一稱屈狐庸

伍員 字子胥楚伍奢次子伍尚弟昭二十年父兄被殺出

奔吳見公子光有異志退耕於野進鱖諸於光助之

弑僚爲吳行人以謀楚定四年吳入郢楚昭幾失國

父兄之仇於是乎復哀元年諫夫差許越行成不聽

十一年諫伐齊又不聽遂屬其子於齊夫差賜之屬

錢而死

大宰嚭字餘楚伯州犁孫奔吳爲大宰定四年後入郢哀
元年輕人賂之以行成其後多取貨於諸侯且與越
私交卒以亡吳二十二年吳亡又仕越後世賣國賊
臣皆自嚭開之晉伯宗何不幸而有此子孫也

閻

越俘也失其名以之爲閻襄二十九年弑其君餘祭
案吳小臣祗見此一人且越俘也故附諸外臣之

末

蔡臣考

公族

蔡季 桓侯弟遲禍之陳桓十七年桓侯卒蔡人召而復之

杜氏以爲卽哀侯獻無非也

公子變莊侯子襄八年鄭獲之獻於晉既而歸之二十年欲
背楚從晉爲蔡所殺一稱河馬變

公子履變弟兄被殺奔楚

隱大子名有靈侯世子平侯父昭十一年楚靈滅蔡殺之

元 昭侯子質於晉以伐楚見定三年

乾 昭侯子質於吳以伐楚見定四年

公孫姓定四年滅沈哀四年國人殺之

公子驪衰二年昭侯殺之以說吳

公孫獵公子驪當長三年蔡人放之於吳

公孫翩弑昭侯國人殺之

公孫辰翩黨奔吳

公孫盱亦被殺經稱公孫霍 三人並見哀四年

朝氏

未詳所出以聲子稱公孫推之其父子朝當是公子
輩然不可考矣

大帥子朝大師官子朝字名失載系未詳聲子父也見襄二十

六年

聲子

名歸生字子家襄二十六年復椒舉於楚二十七年
會宋昭元年會號恭敬柔順名聞諸侯蔡之賢卿也
經稱公孫歸生

朝吳

歸生子昭十三年乘楚亂而復蔡十五年爲楚費無
極所譖奔鄭 案吳有大功於蔡蔡侯既不能曲爲
保全於前而於無極伏誅之後又不聞請而復之待
助臣之薄如此宜其終爲楚所滅也

諸大夫

大夫

名不傳昭十一年諫靈侯如楚

蔡洸父名不傳楚滅蔡死於國當是楚靈殺之故其子從衆
作亂見昭十三年 案洸爲蔡人而稱蔡洸者楚人
之詞今因其父失名故以其子系之在蔡當書之曰
洸父顧於文義不完故仍稱之曰蔡洸父洸則列之

楚外臣中

大夫子定三年從公子元質於晉名不傳

大夫子定四年從公子乾質於吳名不傳

文之錯哀四年以計殺公孫翩智勇皆備卒討亂賊春秋時
不可多得之人

鄆陽封人見昭十九年名不傳

曹臣考

公族

曹羈 莊公世子莊二十四年奔陳

公子首成二年從晉伐齊

太子 宣公太子伋其名成十三年爲成公負弔所殺

公子欣時字子臧成十五年晉以諸侯討曹執成公欲立之子

臧逃奔宋明年自宋還成公乃得歸國致邑與卿終

身不仕 案春秋列邦公子讓國者得六人焉曰宋

子魚曰鄭子良曰曹子臧曰吳季札曰楚子西曰衛

子南宋子魚因太子茲父之讓仍以位讓之稱之曰

仁洵爲不媿楚子常以嗣子幼弱議立長君子西固
辭至欲殺令尹以拒之二人皆安常處順故能成讓
之名而不至貽讎之害至於子良子臧身丁弑逆力
既不能討賊義亦不容復仕故子臧甘心逃遁而愈
顯其節子良則願與諸兄弟共其存亡其後七穆中
人材輩出力抗強敵以張國勢厥功甚鉅吳自諸樊
已下兄弟相傳本非正道季札始則君爲義嗣不敢
奸君繼則哀死事生以待天命以晉悼之賢尙不能
正書僭之罪何得以不討尤爲季子詬病耶若夫蒯
賁得罪君母亡人之子義不當立爲子南者既有郊

遊之言復有君夫人之命名義昭然使不矯情遜讓
則此人不能入國輒不必拒父何至啟人倫之大變
禍亂相循二十餘年乎卒之出公末年反被逐於子
之子南則又子南之所不及料者也故諸公子中子
臧季札以讓而能堅守其節者也子魚子西以讓而
能各行其志者也子良以讓而大有爲者也子南則
道義不明綱常紊亂以讓而開爭端豈能與諸公子
媲美也哉

公孫會昭二十年自鄆奔宋

公孫彊曹鄆人以田弋進曹伯陽使爲司城以聽政哀八年

宋滅曹殺之 案傳云彊爲曹之鄙人疑非公族然
春秋時公子公孫之稱毫不能紊安知非公族之窮
而淪於鄙者耶故附之公族之末

諸大夫

大夫 莊二十六年經書曹殺其大夫名不傳

僖負羈僖二十三年晉文公出亡過曹曹伯慢之羈聽其妻
言獨能盡禮二十八年晉文公入曹令無入其宮以
報其德魏犢顓頊怒而焚之

大夫 名不傳襄二十七年會宋

大夫 名不傳昭元年會虢且從晉卿入鄭宴享未知是會

宋者否故再列之

謝胡

昭二十一年繼諸侯救宋案僖二十八年傳乘軒

者三百人國小如曹而位大夫者如此其多爵之濫可知矣然三百人之名無一傳者何耶

小臣

侯儒

共公之豎僖二十八年晉侯執共公猶貸晉筮史共

公乃得歸國其忠不在衛甯俞下

夢者之子姓名不傳見哀七年附記於此

衛臣考

公族

孝伯 莊公子厲嬀出早卒見隱三年

公子州吁莊公庶子隱四年弑桓公自立石碯與陳人謀殺之

急子 宣公烝夷姜所生惠公朔譖而殺之

壽子 宣公取急子妻宣姜所生惠公同母兄勸急子避難

不聽竊其旌先行爲盜所殺 二人並見桓十六年

左公子洩與職皆宣公弟桓十六年二人逐惠公立公子黔牟

莊六年惠公復國放黔牟二人皆被殺

右公子職

公子頑一稱昭伯宣公子惠公庶兄通於宣姜生齊子戴公
文公宋桓夫人許穆夫人見閔二年

齊子

案此人事實無考然以傳文推之自是戴公等之兄

俞寧世謂是齊之長衛姬以男子爲婦人斷不可從

叔武

一稱夷叔成公母弟僖二十八年成公畏晉出使

元咺奉叔守國後公歸叔喜而逆之爲前驅所殺

公子欬夫僖二十八年從成公返國射殺叔武公殺之

公子瑕字子適僖二十八年晉執成公元咺歸而立之明年

爲周欽冶廛所殺

子儀

瑕母弟同被殺

子蟠

子伯

子皮

三人皆羣公子獻公使盟孫林父皆爲林父所殺

子行

亦羣公子獻公使請和亦爲林父所殺

公孫丁

襄十四年御獻公出奔

子展

獻公弟從公出亡

子鮮

名鱣獻公母弟從公出亡後與甯喜約卒復公及公

殺喜子鮮奔晉 已上七人並見襄十四年

公孫免

餘與獻公謀殺甯喜公使爲少師

公孫無地

與公孫臣助免餘攻甯氏皆被喜殺

公孫臣已上三人並見襄二十七年

公子荆一稱公南楚襄二十九年吳季札聘衛說之昭二十
年齊豹之亂從靈公出亡齊氏射公矢中其背孔子
善其居室忠而且賢衛公子中第一君子也

公子朝吳季札說其賢見襄二十九年

公子朝通於襄夫人宣姜見昭二十年已而從齊豹作亂殺
公孟縶靈公復國奔晉旋歸衛二十一年與諸侯之
師救宋 案此人淫而且亂當另是一人非吳季札
所說之人也故兩列之 此人乃衛公子名朝非宋
朝也所通者乃靈公嫡母宣姜非靈公夫人南子也

注家每混二人爲一人殊屬憤憤今正之

公孫敢爲出公守門見哀十五年

大子疾蒯聵後大子哀十七年誘殺渾良夫後爲戎州人所

殺

公孫青疾弟亦死於戎州

公孫般師襄公孫哀十七年衛逐蒯聵晉人立之爲君旋爲齊

所執

大子 出公輒大子名不傳見哀二十六年其母爲司徒期

之姊輒惡期因殺期甥之爲大子者以爲殺人之甥

而不知爲自殺其子乖謬不仁至斯爲極拒父之人

國當有此報也

甯氏

甯自武公 案甯孫兩氏出自武公北宮氏出自成
公子叔氏出自穆公公叔氏出自獻公公孟氏出自
襄公南氏出自靈公皆公族也大叔氏未詳所出然
以子叔公叔例之亦當是公族其餘尚有石氏孔氏
華氏禮氏元氏齊氏史氏趙氏楮師氏王孫氏夏氏
皆未詳

甯跪 不詳所自惠公復國放之於秦見莊六年

甯莊子名速閔二年懿公與之矢使同石祁子守國僖二十

六年與魯甚盟於向見經世次未詳 或云武公四世孫世族譜云武公之子曰季釁四世孫曰甯跪則莊子或卽是跪子存參

甯武子名俞莊子子偃二十八年從成公出亡及元咺構訟晉人執公武子納餽貨醫卒能保身以救其君孔子稱其愚不可及厥後遷帝邱論祀相聘魯不答非禮光輔君公增重邦國衛第一賢大夫亦春秋第一流人也

甯相

武子子成二年從孫良夫等侵齊

甯惠子名苑相子成十四年與孔成子立獻公襄十四年與

孫林父共逐君二十年卒諱諱以納君屬其子可謂
能撫遺者矣

甯悼子名喜惠子子襄二十六年秋公孫剽而納獻公明年
公惡其專政殺之而族衰矣

甯跪
哀四年與陳乞等救晉范氏系未詳且與莊六年放
棄者同名亦不可解 案甯武子忠於國有大功獻
公雖殺喜然念其先世復立其後裔亦未可定跪之
系雖未詳而甯氏世官猶存於衛固非孫林父之所
敢望也

孫氏

山白武公 案新唐書云武公生公子惠孫惠孫生耳爲上卿食采於戚生武仲乙乙以王父字爲氏故曰孫氏 或曰乙生昭子炎炎生莊子紇紇生宣子綽綽生桓子良夫今案傳文前後當是乙生莊子莊子生昭子昭子生宣子卽孫免免生桓子爲是然不敢臆斷也附記於此以質學者

孫莊子案哀二十六年子穀告出公使者曰昔成公孫於陳甯武子孫莊子爲宛濮之盟而君入今考僖二十八年成公復國時甯武子與國人盟於宛濮無孫莊子其後成公與元咺訟有鍼莊子爲坐被刑豈卽孫莊

子耶今據子貢言錄之以冠孫氏之首俟博學者再考焉

孫昭子文元年爲晉所獲

孫免 宣六年侵陳

孫桓子名良夫宣七年來盟於魯成二年與齊戰敗於新築
復從晉卿魯曹諸大夫敗齊於鞏

孫文子名林父桓子子嗣父爲卿定公惡之成七年奔晉十
四年晉人納之定姜言於公復其位襄十四年遂獻
公立公孫剽遂專政二十六年甯喜弑剽迎獻公歸
林父據戚以叛附於晉欺君肆惡卒亡其族宜乎吳

公子譏之也

孫蒯

文子子襄十四年與其父謀逐獻公十八年因伐曹爲晉所執後其父據戚以叛蒯屢敗衛師真濟惡之賊子也

孫嘉

亦文子子

孫襄

字伯國亦文子子襄二十六年甯喜攻孫氏嘉聘於齊襄傷而死獻公復國林父入戚以叛其族遂不復見於衛矣惜哉

孫鉏

孫氏臣襄二十六年獲殖綽者案孫氏家臣止此一人附錄於此

北宮氏

出自成公

北宮懿字名括成公會孫成十七年侵鄭襄十四年會諸侯伐秦

北宮遺括子襄二十六年爲晉所執

北宮文子名佗遺子杜氏以爲括子非是襄三十年會洹淵明年相襄公如楚論王子圉過鄭論其大夫有禮具知人論世之議者也

北宮喜字名喜佗子昭十年如晉葬平公二十年助齊豹作亂殺公孟靈公出奔已而喜謀殺豹滅齊氏逆公復國

生賜之諡曰貞子二十七年會扈

北宮結喜子定七年爲齊所執後黨於公叔戌十四年奔魯
而族亾矣

子叔氏

出自穆公

子叔甯穆公子定公母弟成十年侵鄭

公孫剽黑背子襄元年聘魯十四年孫甯逐獻公立之爲君
後爲甯喜所弑詳見諸侯世次

大子角剽大子襄二十六年爲甯喜所殺

析朱鉏黑背孫當是剽子昭二十年齊豹之亂徒行從靈公

出奔公復國生賜之諡曰成子

公叔城

出自獻公、或曰獻公子公叔成子成子生文子

公叔文子名嬰獻公孫襄二十九年吳季札聘衛說之屢著勤勞於國定六年諫靈公無追魯師尤爲老成謀國之見孔子稱其以人事君不愧於文誠可謂賢大夫矣顧獨不能教子卒以富而亡家何也

公叔成文子子富而不臣定十四年靈公逐之奔魯

公孟氏

出自襄公

公子紇襲公庶子嬀始所生靈公同母兄以有足疾不
得立昭二十年爲齊豹所殺

公孟彊襲子定十二年伐曹十四年因黨於蒯聵靈公逐之
奔鄭自鄭奔齊哀十年自齊復歸十五年又奔齊

南氏

出自靈公

公子郢字子南靈公子蒯聵出奔公欲立之固辭哀二年公
卒言於夫人南子立輒

公孫滿字子之郢子諡曰文子出公輒入國後奪其邑哀二
十五年與褚師比等作亂逐公公以越師伐之卒不

勝公孫於越彌牟立悼公而相之

大叔氏

一稱世叔未詳所自或云出文公例以子叔公叔之稱亦當是公族故附諸公族之後石孔諸族之前

大叔文子名儀一稱世叔儀襄十四年孫甯出君魯人來弔儀應對得體後獻公復國怨而讓之儀欲出奔公止之二十九年會諸大夫城杞

大叔懿子名申文子孫昭三十二年城成周案注家多以申與懿子爲二人今以哀十一年傳文考之杜注當是一人故面斷之

悼子 名疾一稱世叔齊懿子子哀十一年因孔文子奪其

妻出奔宋後崩殯入國復之死於巢

大叔季名遺疾弟疾出奔衛人立遺孔文子卽以其嫂孔姑
嫁之哀十六年蒯聵逐之奔晉十八年出公歸國召
而復之

石氏

石碯 初諫莊公寵州吁不聽桓公卽位致仕隱四年州吁
弑桓公自立碯與陳人謀誘而殺之並殺其子厚大
義滅親君子稱之

石厚 碯子黨於州吁爲其父所殺

石祁子莊十二年論猛獲閔二年懿公與之決使同甯莊子
守國 案此人系未詳當是碯之孫曾輩其論猛獲
之言甚正不媿爲碯之後裔也

石成子名稷碯四世孫成二年與孫良夫等侵齊

石共子名買成子子襄十七年伐曹爲晉所執十九年卒

石悼子名惡共子子父死不哀孔成子決其必亡後黨於甯
氏獻公復國殺甯喜討其黨襄二十八年奔晉

石圃 悼子從子獻公逐悼子因碯有功立圃以守石氏之
祀見襄二十八年 據此則甯俞之祀固不應因喜
而廢此哀四年所以復有甯跪也

石曼姑系無考或云惡子或云圃子近是固蒯聵於戚見哀

三年

石乞系無考蒯聵黨與孟釐同殺季子者見哀十五年

石魋哀十六年蒯聵逐之十八年出公召而復其位

石圃系無考或云魋弟哀十七年蒯聵欲逐之圃因匠氏以攻公公被弑齊人立公子起十八年圃又逐起出公復國逐之不詳所往案哀十七年上距襄二十八年已六十七年必非一人故兩載之

孺羊肩石碯家宰隱四年碯使之殺石厚案石氏家臣止

此一人故附記之

孔氏

姑姓

孔嬰齊閔二年從懿公禦狄戰敗而死

孔達

文元年伐晉二年晉人執之謂其良也四年歸之於衛執國政者三十餘年宣十四年因救陳得罪於晉自縊而死衛人因其忠復立其子

其子

名不傳衛人因其父達死國妻之以女使復其位

孔成子名烝鉏達孫成十四年與甯惠子立獻公昭七年復

與史朝立靈公歷相五君執政者四十餘年孔氏中

之賢大夫也

羈

成子子見昭七年

孔文子

名圉羈孫伐鮮虞見定四年歷事靈公出公孔子稱

其勤學好問可以諡文自是善善從長之義究之以
一女而妻太叔疾兄弟二人終不免於慙德也 案

衛卿諡文者五人孔圉而外如北宮佗公叔發大叔

儀立朝大節皆有可觀至孫林父以逐君叛臣其黨

亦諡之文更出孔圉下矣而當時竟以文稱之何耶

孔性

文子子一稱孔叔哀十五年薨贈與其母伯姬劫之

以入國明年逐之奉其母奔宋而族亡矣

華氏

華龍滑閭二年懿公戰死狄人囚之

華仲 僖二十八年成公歸國爲前驅

華齊 案正義云華齊是公孟臣故爲公孟御非齊氏所能使傳文使字當是誤加所見甚是附記於此

華寅 齊豹之亂靈公出以寅乘副車以從遇難不避可謂忠矣 二人並見昭二十年

禮氏

禮孔 閔二年狄人囚之

禮至 僖二十四年與其弟僖仕於邢掖殺邢守國子蒍因之滅邢

其弟 名不傳

元氏

元咺

僖二十八年成公畏晉出奔咺奉叔武守國已而公歸悞殺叔武咺遂訟公於晉晉執公咺歸立公子瑕三十年公被釋賂周欽治廬殺之

角

咺子僖二十八年爲戚公所殺

齊氏

齊惡

一稱齊子昭元年會號

齊豹

惡子一稱齊子爲司寇昭二十年作亂殺公孟執靈公出奔未幾北宮喜攻而殺之滅其族

渠子

豹宰亦被殺附錄於此

史氏

史朝

昭七年與孔成子共立靈公

史狗

一稱史苟朝子襄二十九年吳季札聘衛說之

史鰌

卽史魚或云狗弟季札亦說之常斷公叔戌必亡孔

子稱其直如矢衛之賢大夫也

趙氏

趙厲

昭九年與魯鄭大夫會楚子於陳

趙陽

厲孫黨於公叔戌定十四年戌亡奔宋

褚師氏

褚師囂昭二十年同齊豹作亂豹滅國奔晉

褚師子申系未詳與國同族同時囂助豹爲亂而子申從君出奔亦奇人也世族譜混作一人誤

褚師定子比之父系無考哀二十六年出公奔越以師攻衛掘其墓 或曰定子卽囂存叅

褚師聲子名比哀十六年崩墮逐之奔宋殯弒復歸二十五年與公孫彌牟等作亂攻出公公奔宋

王孫氏

王孫賈盟刺澤見定八年詭詐善謀靈公恃之以叛晉孔子稱其能治軍旅

王孫齊賈子哀二十六年爲彌牟使越

夏氏

稱夏丁氏

夏戊 太叔疾之甥出公之妻父也見哀十一年

司徒期戊子出公妻弟因女兄寵哀出公薄之遂與褚師比
等作亂見哀二十五年

右宰

官名下祝史同

右宰醜隱四年衛人使殺州吁於陳

右宰穀襄十四年獻公出奔穀從之已而逃歸二十六年助

甯喜迎獻公復國明年公殺喜并殺之

祝史

祝鼈 昭二十年助齊氏作亂

祝佗 字子魚以佞稱定四年召陵之會言於周甚宏長衛

於蔡孔子嘗稱其能治宗廟

祝史揮哀二十五年出公自越攻衛欲爲公內應公支要等

逐之從公終於越

諸大夫

渠孔 懿公御戎

子伯 懿公戎右

黃夷

懿公前驅

三人并見閔二年

長狝

爲叔武守門成公復國同甯子先入

鍼莊子

成公與元咺訟使莊子爲坐爲晉所刑

士榮

成公與元咺訟榮爲大士爲晉所殺 已上三人皆

見僖二十八年

周欽

與冶廐受成公賂謀殺元咺及公子瑕迎公歸國欽

遇暴疾死廐懼而辭卿並見僖三十年

冶廐

向禽

同孫良夫石稷等侵齊

仲叔子奚守新築大夫救孫桓子

二人皆見成二年

大師 掌樂大夫辭獻公歌巧言卒章之命

師曹 樂人爲獻公歌詩以怒孫氏 二人皆見襄十四年

遠瑗 字伯玉襄十四年孫林父告以逐君之謀從近關出

二十六年甯喜告以迎君之言又從近關出實未嘗

違行也吳季札聘衛說之以爲衛多君子孔子亦以

君子稱之顧考其立朝四十餘年前襄孫甯共事遇

君父大變祇以全身遠禍爲高後事淫昏之靈公亦

不能少爲匡救蓋終不免爲賢者累也

尹公佗襄十四年與差爲孫氏追獻公差因其師公孫丁御

公不敢背師而射佗獨反射丁爲丁所射貫臂

成公差一稱魚

屠伯

昭十三年會平邱餞晉叔向

慶比

齊豹之亂爲靈公御車

鴻駟馳驅乘於靈公從公以出

子玉霄

子高魴二人皆齊豹黨豹滅皆奔晉陳氏世族譜列二人於

公族未知何據今不從 已上四人皆見昭二十年

彪侯

昭末年論晉魏舒干位

子行敬子定四年會召陵勸靈公使祝佗從

滑羅

定十二年從公孟彊伐曹爲殿

行季羽哀十二年吳會於衛與子木並見

子木

召獲

駕乘車奉出公奔魯

子羔

卽高柴從出公奔魯後遂仕於魯 二人並見哀十

五年

司徒成經稱子還成哀十六年蒯聵逐之奔宋

鄆武子名盂哀十六年蒯聵使告周

晉彌叔絃史哀十七年爲蒯聵占夢已而奔宋

司寇亥出公奪其政

公文懿子名要出公沈其車

拳彌 出公使優人盟而辱之 已上三人皆與褚師比等

作亂逐出公並見哀二十五年

鄆子士衰二十五年秋爲出公禦亂爲拳彌所制而止

諸小臣

宗魯 齊豹進於公孟縶使爲驂乘昭二十年豹欲殺縶告

之使去不從卒與縶同被害

彌子瑕 一稱彭封彌子靈公嬖臣定六年公使追魯師

宋朝 一稱宋子朝本宋人舊通於靈公夫人南子後公爲

之召於宋見定十四年註家每混爲衛公子朝誤矣

戲陽速彌賁臣劇賁與之謀殺南子許而不從見定十四年

寺人羅蒯聃臣御之如孔氏者

孟釐 蒯聃黨與石乞共殺子路者 二人皆見哀十五年
夢嬖人名佚哀十六年與卜人比而譖大叔遣

卜人

匠氏 石閼因之攻蒯聃

戎州已氏蒯聃入其家被殺 與匠氏皆見哀十七年

侍人 出公使納公文要之車於池

三匠 楮師比等因之作亂

優狻 俳優出公使盟拳彌 已上皆見哀二十五年

孔氏家臣

渾良夫孔氏暨通於文子妻伯姬哀十五年與伯姬謀迎蒯聵入國十七年太子疾以計殺之

樂寧

孔氏老蒯聵入國劫孔悝寧召季子入禦敵

季子

卽仲由本魯季氏宰適衛仕孔氏蒯聵劫孔悝入攻之子羔勸之行不從卒戰而死

子伯季子初爲孔氏臣後從蒯聵背孔氏悝出奔季子追之殺悝蔽祐者許公爲射而殺之

許公爲一稱許爲亦孔氏臣 四人並見哀十六年

春秋左傳釋人卷七

河內范照藜乙青篋

諸侯臣考三

晉臣考

公族

武公滅翼文侯子孫無噍類矣未幾桓莊之族盡於
士爲之謀而無畜之詛且自驪姬甚之以故公子公
孫流離異國不但曲沃新田之宗社無一人與聞國
事二百餘年卽以名傳者且寥寥也嗚呼宗族旣落
公室從之始而八卿之橫終焉三家之分其不以此

也與

富子 桓莊族莊二十三年士蒍譖於羣公子而去之

游氏子亦桓莊族莊二十四年士蒍與羣公子謀殺之並滅

其族

羣公子皆桓莊族獻公與士蒍謀既滅游氏處羣公子於聚
盡殺之桓莊之族於是乎盡滅矣見莊二十五年

共大子名申生一稱共子獻公烝於齊姜所生莊二十八年
驪姬謀居之曲沃僖四年被讒自縊而死

奚齊 獻公驪姬所生見莊二十八年後申生死獻公立
爲大子僖九年公卒荀息立之爲里克所殺

羣公子名不傳皆獻公子驪姬謀處之於鄙見莊二十八年
案獻公方謀殺先世羣公子而已之羣公子旋被
譏於驪姬中生奚齊卓子並先後不得其死報應之
理不爽如此可不畏哉

伯儵 與叔劉皆文公娶狄女季隗所生見僖二十三年

叔劉

公子雍亦文公子杜祁所生出在秦文六年襄公卒趙盾使
迎立之已而立靈公拒秦師而敗之雍遂終於秦

公子樂亦文公子辰嬴所生出在陳文六年賈季欲迎立之
爲趙盾所殺

周子兄悼公兄不能辨菽麥見成十八年

揚干悼公弟因其亂行魏絳戮其僕見襄三年

公子昭十八年傳鄭因火災辭晉公子公孫於東門名皆

不傳附錄於此

公孫

公子慙悼公子出在衛太叔懿子娶其女見哀十一年

樂氏

出自靖侯世族譜云靖侯子食采於樂因以爲氏正

義曰樂賓之父字樂遂爲樂氏其說非是不可從

樂賓靖侯孫其父曰樂叔賓爲曲沃桓叔傳在春秋前見

桓二年

欒共叔賓子爲翼侯傅桓三年死於翼侯之難

欒貞子名枝賓孫當是其叔子僖公二十七年文公創霸將
下軍明年敗楚於城濮有大功文五年卒

欒盾 枝子文十二年河曲之戰將下軍

欒武子名書盾子一稱欒伯宣十二年佐下軍從荀林父救
鄭成二年將下軍從卻克敗齊於鞏四年將中軍代
卻克爲政救許伐鄭十三年敗秦於麻隧十六年伐
鄭敗楚於鄢陵十七年厲公殺三卻胥童等以甲劫
書與荀偃於朝公不忍殺釋之書遂與偃謀弑公十

八年卒 案樂書於成四年將中軍爲政凡十四年
救鄭者二伐鄭者六侵蔡楚沈者各一敗秦者一敗
楚鄭者一同盟者三執諸侯之君者二郢陵一戰幾
於射殺楚君邲役之恥雪中國之勢張終春秋之世
楚不能報先軫趙盾而後殊屬振拔有爲之士而桑
隧之役六軍皆從佐之者十一卿晉自行師以來未
有如是之盛者矣惜乎不能匡救暴君駕馭強族卒
至君臣相惡三郤駢誅身雖未被滅族之哀而終釀
成弑君之惡此固范文子之所不樂見者也

樂桓子名縣書子成十六年如魯乞師襄九年國鄭將下軍

十四年從荀偃伐秦違令獨歸且逐范鞅汰肆陵人
斂怨已甚兼之門無內行不旋踵而族亾矣

樂鉞

亦書子厲弟成十三年伐秦十六年鄆陵之戰皆爲
戎右襄十四年伐秦赴敵而死賢於父兄多矣

樂懷子

名盈厲子一稱樂孺子襄十六年爲公族大夫十八

年圍齊佐下軍以母淫舅怨爲外大父范匄所逐二
十一年奔楚自楚適齊二十三年齊侯納之曲沃因
魏舒以入國諸卿助范氏殺之而滅其族無罪覆宗
似乎可憫然好士而不能擇人出奔而復入作亂罪
亦難逭況乃祖父之所爲早已階之屬乎 案亾族

被戮之人安得有諡當是其黨爲之史毋相沿未改
又如晉惠公子爲文公所殺似亦不得諡爲懷公或
當是卻呂輦爲之耳附記於此

樂京廬樂氏族宣十七年從卻克於齊

樂弗忌亦樂氏族有賢名成十五年三卻譖而殺之

弁糾亦樂氏族成十八年悼公立爲御戎

樂魴盈族或曰盈弟襄十九年從衛孫文子伐齊二十三

年盈被殺魴奔宋

樂樂亦盈族襄二十三年助盈作亂被殺

樂豹亦盈族州邑大夫見昭三年

韓氏

韓地名桓叔庶子萬食邑於此因以爲氏其後韓虔與趙魏共分晉地遂爲國號案韓爲桓叔後人見於國語顧氏大事表疑獻公盡滅桓莊之族韓氏不應獨存遂據史記謂是武王子韓侯之後未免拘泥仍從舊說爲正

韓萬

桓叔子曲沃莊伯弟桓三年爲武公御戎

韓簡

萬孫僖十五年秦伐晉惠公使之視師

子與

厥父成二年晉伐齊韓厥夢子與謂已

韓獻子名厥萬元孫史記索隱云萬生賕伯賕伯生簡簡生

子輿子與生厥宣十二年爲司馬從荀林父救鄭成
二年從卻克伐齊執逢丑父三年賞鞏功將新中軍
兼僕大夫六年景公從其言遷於新田八年勸公復
封趙氏十三年將下軍從伐秦十六年從欒書伐鄭
敗楚於鄢陵十七年欒書等執厲公召之辭不往十
八年悼公立代欒書爲政將中軍襄七年告老敬君
睦鄰遠謀深慮存趙一事陰德尤深子孫之昌也宜
哉

公族穆子名無忌厥長子成十八年悼公立爲公族大夫襄七
年獻子致仕自以有疾讓卿位於其弟悼公使掌公

族大夫

韓宣子名起厥次子襄七年以兄讓嗣父爲卿九年圍鄭佐
上軍二十三年助范宣子滅欒氏二十六年聘於周
王嘉之昭二年代趙武爲政聘魯觀周禮五年如楚
爲平公送女十三年會平邱十六年聘於鄭求玉環
於商人子產却之二十八年卒 案韓起爲政凡二
十七年晉卿執政未有如是之久者然而上不能早
靖王室下不能納復魯侯外不能抗禦強楚內不能
彈壓僚屬任聽荀吳范鞅知躒輩公行賄賂形同木
偶聘鄭求環而受子產之譏如楚送女而受楚靈之

辱非遠啟彊言則起與叔向胥作章華宮寺人矣蓋
晉休之衰始於趙武而成與韓起不惟先大夫先軫
狐偃樂書知罃諸人之罪人亦乃父韓厥之不才子
也

韓襄

無忌子嗣父爲公族大夫見襄十六年

韓須

起子昭二年逆少姜於齊 案陳氏世族譜謂是起

從子非是

叔禽

叔椒

子羽

已上三人皆起庶子見昭五年

韓簡子名不信一稱伯音起孫須子嗣祖爲卿昭三十二年
會諸大夫城成周定十三年助知魏共逐范中行氏
韓固起庶孫昭二十八年魏舒使爲馬首大夫

韓穿韓氏族宣十二年爲上軍大夫從荀林父救鄭成二
年賞鞏功佐新上軍八年言魯歸汶陽之田於齊

箕襄

邢帶二人皆韓族見昭五年

羊舌氏

出自武公唐書武公子伯僑生文文生癸卽羊舌大
夫也食邑於羊舌以地爲氏

辛吉大夫唐書名突閔二年從大子申生伐狄爲軍尉

辛吉職大太子宣十五年晉侯賞荀林父士渥濁職悅之成

平八年悼公立使佐中軍尉襄三年卒

羊舌赤字伯華職長子食邑於銅鞮一稱銅鞮伯華襄三年
祁奚舉之代其父佐中軍尉

羊舌肸字叔向食邑於楊一稱楊肸一稱叔肸赤弟襄十一年悼公三駕服鄭使肸告於諸侯十六年平公立爲
傅因弟虎黨欒盈二十一年爲范氏所囚祁奚諫而
免之二十七年從趙武會諸大夫盟於宋昭公五年
從韓起如楚送女六年鄭子產鑄刑書詒書責之公

忠正直博學多聞名聞四國惟是公室衰微六卿強橫不能輔君修德平邱一會示威示眾貽笑諸侯憂國雖深道終未盡身沒未幾而其子且覆宗矣哀哉

羊舌虎一稱叔虎盱異母弟襄二十一年爲范匄所殺

羊舌鮒字叔魚一稱叔鮒盱弟昭十三年平邱之會攝司馬求貨於衛是冬諛詞以懼魯季孫而歸之十四年代士景伯攝理官納雍子之女蔽罪邢侯邢侯殺之并殺雍子

子容 赤子見昭二十八年

楊食我字伯石一稱楊石盱子見昭五年二十八年助祁盈

家臣作亂晉殺盈并殺之滅其族

郤氏

亦公族食邑於郤因以爲氏 案國語郤叔虎朝注

云郤叔虎名豹郤芮之父

郤芮

食邑於冀一稱冀芮僖六年從惠公出亡九年勸惠

公賂秦以求入國二十四年秦納文公殺懷公芮與

呂甥謀弑文公秦伯誘而殺之

郤成子

名缺一稱冀缺芮子父誅隱於野胥臣薦於文公僖

三十三年獲白狄子有功佐下軍文十二年戰河曲

將上軍十三年請復土會宣八年代趙盾爲政將中

軍廢胥克十一年會眾狄而服之幹父之壘副友之
薦舉賢執政不愧名卿而夫婦相敬如賓尤爲千古
美談矣

郤獻子名克一稱郤伯一稱駒伯缺子宣十二年佐上軍從
荀林父救鄭十七年徵會於齊受辱而歸冬代士會
爲政將中軍成二年會諸侯之師敗齊於鞏

郤錡亦稱駒伯克子成十三年如魯乞師不敬孟獻子斷
其將亾佐上軍伐秦十六年將上軍從伐鄭十七年
與孺至皆爲厲公所殺而族亾矣

步揚

案正義云世本郤叔虎生義義生步揚則揚爲郤芮

姪是卻缺從父昆弟也僖十五年爲惠公御戎

步招

攝弟文七年攝爲公子雍御戎

卻鐸

一稱苦成叔揚子克之從祖兄弟杜氏誤作從父兄

弟成十一年聘魯十四年送孫林父於衛衛侯享之
傲衛惠子斷其將亡十五年與鐸至共譖殺伯宗及
樂弗忌十六年將新軍如齊衛乞師受魯叔孫僑如
賂欲去季孟二族卒不果明年厲公殺之

卻氏二子鐸取魯施孝叔之婦所生卻氏亡晉人歸於魯施孝

叔沈之河見成十一年

卻至

食邑於溫一稱溫季鐸從弟當是步招子觀其弟稱

步毅可知陳氏世族譜顧氏大事表舍傳中之步招
不載而妄引世本之蒲城誰居直以犖之從弟爲從
子矣今以傳文考之招爲揚弟犖爲揚子至與毅爲
招子庶乎世次井井成二年楚巫臣奔晉因卻至十
一年與周人爭卻田王命諸卿訟諸晉十二年聘楚
十三年佐新軍伐秦十六年鄢陵之役與樂書不睦
獻捷於周伐其功畢襄公斷其將亾明年樂書譖於
厲公殺之 案三卻一時爲卿可謂盛矣然錡也乞
師不敬至也獻捷自矜周魯名卿皆知其將亾而犖
之食貨縱淫尤有取死之道加之君臣胥怨嬖倖交

攻遂使一朝駢首就戮而覆其宗方其盛無與比隆
迨其敗亦無與同慘也悲夫

郤穀

一稱步穀至第十三年伐秦十六年鄢陵之役俱爲
厲公御戎三郤被殺之後未知作何歸結耳 陳氏
世族譜列穀於至前非是

郤稱

僖十年平鄭譖之於秦欲殺之而不克 案昭三年
傳當是州邑大夫

郤乞

僖十五年爲患公召呂甥

郤穀

僖二十七年文公圖伯趙衰薦其賢使將中軍明年
卒

卻縠

僖二十七年佐中軍明年戰城濮有大功 已上四

人皆卻氏族

案卻氏在晉號爲巨族而前後世次

多不可考杜氏之註亦多錯悞姑就傳文可通者敘
之其難考者仍付之缺疑而已

祁氏

亦公族晉語注祁奚晉大夫高梁伯之子也鄭氏通

志云祁奚獻侯四世孫食采於祁因以爲氏 案奚

之前已有祁舉祁臧世次皆不可考食采亦未必始

於奚也

祁舉

僖十年爲呂卻等所殺

祁瞞

僖二十八年城濮之役奸命被殺

祁奚

一稱祁大夫成八年景公以趙氏之田賜之十八年

悼公使爲中軍尉襄三年請老舉其子自代十六年
平公復使爲公族大夫二十一年免叔向於難外舉
不避仇內舉不失子允爲一時盛事矣

祁午

奚子襄三年代父爲中軍尉昭元年會號戒趙孟

祁盈

午子昭二十八年執祁勝荀躒譖於晉侯被殺並滅

其族

祁勝

盈家臣與卽臧通室盈并執之勝賂荀躒執盈爲盈

家臣所殺見昭二十八年

狐氏

出自唐叔姬姓之戎也哭仕晉爲大夫三傳至射姑
奔狄而族亡

狐哭

文公外祖父閔二年爲大子申生御戎僖二十三年
不爲懷公召二子被殺

狐毛

哭長子文公母舅見僖二十三年從文公出亡有功
二十八年文公圖伯使將上軍敗楚於城濮

狐偃

字子犯毛弟與兄俱從文公而功尤大二十五年勸
公納王二十七年使將上軍讓於其兄而佐之城濮
之役定謀致勝與先軫之功並垂不朽矣

狐溱

毛子信二十五年文公使爲溫大夫

狐射姑

一稱賈季偃子文六年襄公使將中軍陽處父易其
儲遂殺處父晉人討其罪奔狄

狐鞠居

狐氏族一稱續簡伯一稱續鞠居文二年爲襄公戎

右六年賈季使殺陽處父晉人殺之

狐父

昭十一年請蔡於楚案此人亦當是狐氏族附錄

之

魏氏

姬姓出自文王子畢公高之後畢國已滅於春秋前
其裔孫畢萬事晉獻公賜之魏遂以爲氏其後至魏

斯與韓趙共分晉地而國號因之

畢萬 閔元年爲獻公戎右滅魏賜之子孫遂爲世卿矣

魏武子名犂萬孫世本萬生芒季芒季生武仲州州卽犂也
從文公出亡有功見僖二十三年文公創伯立爲戎
右二十八年與顓頊夔曹大夫僖負羈家文公殺顓
愛犂才舍之而廢其職

魏錡 犂子食邑於呂一稱呂錡一稱廚武子一稱廚子宣
十二年鄆之役從軍又爲知莊子御成十六年鄆陵
之役射楚共王中目養由基射而殺之

魏顆 亦犂子宣十五年敗秦師於輔氏獲杜回

魏相 錡子一稱呂相成十三年厲公使之絕秦十八年悼公立之爲卿

魏錡 錡子成十八年悼公立之爲卿

魏莊子名絳孺孫成十八年悼公使爲司馬襄三年戮揚干之僕公知其賢使佐新軍旋進下軍佐四年勸公和我以正諸華十二年鄭服公賜以鄭樂之半十八年罔齊將下軍悼公三駕退楚服鄭君明臣良可謂千載一時矣而務本識勢敬君愛民當以絳爲第一賢如知營不能過也惜乎位在五人之下未能執政大展其才以抑強宗而扶公室千載而後爲之扼腕

案杜注是魏犢子正義云魏顆魏絳俱犢子顆長而
庶絳幼而嫡魏世家則云武子生悼子悼子生絳則
絳是犢孫陳曙峯顧復初皆謂考其年世當從世家
今從之斷爲犢孫

魏獻子名舒絳子襄二十三年范鞅劫之以逐欒盈昭元年
從荀吳敗狄當是上軍佐二十八年代韓起爲政舉
賢任能頗有可觀三十二年如周合諸大夫城成周
定元年復如周屬役於韓不信而還卒於途

魏戊 舒庶子昭二十八年獻子使爲梗陽大夫

魏襄子名曼多舒孫定十三年與知韓共逐范中行而納趙

魏襄十一年侵衛十三年又侵衛

魏壽餘文十三年使魏壽餘僞以魏叛附於秦誘士會而復之正義曰壽餘爲魏邑之主當是驪之近親愚案以年世考之此人當是驪子錡之兄弟輩否則烏能以魏叛以欺秦而誘士會乎

范氏

帝堯之後裔也襄二十四年傳范宣子曰昔句之祖自虞以上爲陶唐氏在夏爲御龍氏在商爲豕韋氏在周爲唐杜氏晉王夏盟爲范氏先是周成王滅唐遷之於杜爲杜伯世仕於周宣王時杜伯被滅其子

隰叔奔晉為理理士官也以士為氏至士會先食采於隨稱隨會後又食采於范遂稱范氏

士蔿
字子輿隰叔之子莊二十三年為獻公謀盡滅桓莊之族二十六年進大司空

士穀
蔿子嗣父為司空文二年盟垂隴九年與箕鄭父等作亂被殺

范武子名會蔿孫世本云士蔿生成伯缺缺生武子會據此則武子為穀之姪先食采於隨後食采於范遂稱范氏僖二十八年代舟之僞為戎右文六年同先蔑如秦逆公子雍七年趙盾立靈公敗秦於令狐與先蔑

俱奔秦十二年秦伐晉問戰於會十三年晉六卿謀而復之宣二年諫靈公不聽十二年將上軍同荀林父等救鄭林父不用其言敗於邲十六年滅赤狄獻俘於王晉侯請於王以黻冕命之將中軍且爲大傅是冬平王室王享之歸而講求典禮以修法度晉國大治十七年致仕授政於郤克光輔五君文襄靈以成景爲盟主事君治國交遊教子內外幽明毫無慙德沒後數十年列國君卿猶極口稱之蓋晉國第一賢大夫亦春秋第一流人也 案顧復初人物表不列武子於純臣謂其在秦爲之畫策謀戰故真迂儒膠固

之見也如以此爲武子病則以齊王之孟子直是目

無周天子亦不可謂之大賢矣 案左傳中人名異

稱之多無如范武子者一稱士會見僖二一稱士季

見文一稱隨會見文十三年是時武子一稱隨武子

七年一稱隨會尙未受隨傳蓋追言之一稱隨武子

見宣十二年是時當久已受隨矣一稱隨季同上一稱武子見宣十

一稱季氏同上一稱范武子見宣十七年是時滅一

稱范會見昭二已上凡九稱附記於此

范文子名燮會子一稱范叔宣十七年代父爲卿成二年佐

上軍從卻克敗齊於鞌師歸後入其父武子善之四

年與樂書等救鄭八年聘魯會諸大夫伐鄭十二年

如不及齊

會楚公子罷等盟於宋十三年伐秦將上軍十六年
佐中軍同欒書等伐鄭楚師救之文子不欲戰書不
聽其言勝楚於鄢陵君驕臣侈已兆禍端卻氏信讒
執魯季孫文子言於欒書而釋之十七年所死而卒
一生恪守父訓敬共事君知人識勢繼美先人世卿
中不可多得者也

范宣子名句嬖子成十六年鄢陵之役趨進論戰其父執戈
逐之十七年欒書等執厲公召之辭不往十八年聘
魯襄八年又聘魯九年佐中軍與荀偃等伐鄭十年
與荀偃請滅偏陽如周平王室十三年荀偃卒讓荀

偃將中軍十九年代荀偃爲政二十一年逐欒盈二十三年滅欒氏執政七年重幣專權貽譏當世武文之德衰矣二十五年卒

范獻子名鞅句子一稱范叔襄十四年欒黶逐之奔秦秦伯復之十六年爲公族大夫二十一年與其父謀逐欒盈二十三年劫魏舒以滅欒氏二十九年聘魯謝城杞昭二年韓起爲政鞅將下軍二十一年聘魯徵十一半定元年代魏舒爲政八年與趙鞅荀寅帥師救魯且侵鄭衛專權納賄凌虐諸侯而袒護魯臣致昭公不能返國尤爲罪魁宜其身死不久而族亡也

左傳卷八
卷一
欒黶自襄十四年至定八年見傳者五十八年約七十餘歲矣

范昭子名吉射欒子定十三年與荀寅攻趙鞅知韓魏三族助鞅而攻之與寅皆奔朝歌趙鞅屢圍之齊魯鄭衛皆救之卒不勝哀五年奔齊而族亾矣

士魴亦會于食采於莒一稱莒季國語作莒共子成十八年逆悼公於周公立使爲卿已而使之乞師於魯襄九年佐下軍圍鄭十二年聘魯十三年卒

莒裘魴子見襄十四年

范無恤文十二年代步招御戎 案大事表云是時士會尙

未受范此人疑非范氏族然文十三年傳稱隨會士
會此時似亦未受隨傳文往往有追稱之者安知范
無恤之非追稱耶仍附錄於范氏中爲是

士富

范氏別族襄三年代張老爲候奄 案晉語作范獻

子注文子族弟

范阜夷范氏側室子定十三年無寵於范吉射遂黨韓魏作

亂攻范氏哀三年爲趙鞅所殺

士酈

亦范氏族一稱析成酈定十四年與小王桃甲襲晉

不克酈奔周桃甲入朝歌

士氏

左傳卷八
渥濁爲理世掌刑官仍以士爲氏

士貞子名渥濁或曰士會庶子一稱士貞伯一稱士伯宣十
二年荀林父敗於邲歸而請死貞子諫而止之十五
年景公賞以狐衍之縣成十八年悼公立使爲大傅
士莊子名弱渥濁子一稱士莊伯襄九年對宋災 案成二
年鞏朔亦稱士莊伯大事表列之士氏中誤矣

士文伯名勾字伯瑕弱子襄三十年論絳縣老人其後論火
災日食皆有先見之明 案范宣子爲文伯從父文
伯不應與之同名傳文亦稱士勾疑必有誤或云勾
字是正字之訛附記於此

士景伯名彌牟勾子一稱士伯昭十三年辭魯昭公於河十
四年如楚二十三年韓宣子將以魯叔孫與邾諫而
止之二十四年如周蒞問敬王及王子朝二人曲直
三十二年諸侯城成周彌牟營之定元年因宋仲幾
不受功言於韓簡子而執之

士茂 陰地之命大夫見哀四年 案此人當是士景伯後
人故范氏以後士氏猶能不廢其祀

趙氏

其先與秦同出伯益之後至造父爲周穆王御有功
賜之趙城遂以爲氏七世至叔帶適晉事晉文侯遂

爲晉人又五世至共孟生二子長夙次衰夙爲獻公
御戎賜之耿其子孫又食邑於邯鄲一稱邯鄲氏六
傳至殺奔齊而族亡矣

趙夙

閔元年爲獻公御戎公滅耿以賜之

趙穿

風庶孫襄公瑁別食邑於邯鄲文十二年河曲之戰

穿獨追秦師十七年爲質於鄭宣二年弑靈公

趙旃

穿子宣十二年邲之役夜至楚軍楚子乘左廣逐旃

棄車而走成三年賞鞏功佐新下軍十三年伐秦將

新中軍

旃與殺父二人名皆不傳見宣十二年

趙勝 旃子襄二十三年追齊師獲晏釐

趙朝 當是勝子杜注勝曾孫誤昭二十八年魏舒使爲平

陽大夫 案陳氏世族譜云朝爲勝曾孫而見於邯
鄲午前疑有未確其說甚是且上距襄二十三年不
及四十年何得便至曾孫受邑耶

邯鄲午當是勝孫正義云勝子誤定十年國衛十三年因不
歸衛貢於晉陽趙鞅殺之 案定十三年傳午許諾
歸告其父兄如午爲勝子則勝此時不應復存故知
午當是勝孫其父兄無名故不另列

趙稷 午子父被殺以邯鄲叛哀四年邯鄲叛之稷奔臨而

族公矣

趙氏

此衰之後也成人年同括被殺族幾公矣賴韓厥言而復存其後至趙籍與韓魏兩家共分晉地遂以爲國號

趙成子名衰字子餘一稱成季夙弟從文公出公有功公以女妻之僖二十五年爲原大夫二十七年文公創伯舉卻縠爲元帥而辭卿位三十一年晉作五軍使將新軍始爲卿文二年佐中軍五年卒溫文謙讓名重當時文襄之世幾無與抗行者而冬日一喻允堪膺

多千秋矣

趙宣子名盾一稱宣孟衰子狄女叔隗所生趙姬請於君以爲嫡子見僖二十四年文六年嗣父爲卿佐中軍陽處父易之遂將中軍爲政襄公卒使先蔑士會迎公子雍於秦已而懼穆嬴乃立靈公敗秦於令狐十二年與秦戰於河曲十三年謀誘士會而復之十四年以諸侯之師納提菑於邾邾人有辭弗克納十七年討宋人弑君猶立文公而還靈公會諸侯於扈因鄭貳於楚不見鄭伯鄭子家貽書責之宣二年弑靈公立成公冬爲旄車之族請以趙括爲公族大夫以報

君姬氏之德八年卒爲政二十年

趙同

與括嬰皆衰子趙姬所生盾異母弟食邑於原故稱
原同一稱原叔宣十二年爲下軍大夫從荀林父救
鄭十五年獻狄俘於周成五年與括放嬰於齊八年
莊姬譖而殺之

趙括

食邑於屏故稱屏括一稱屏季宣二年趙盾請於君
以爲公族大夫十二年與嬰俱爲中軍大夫從荀林
父救鄭成三年賞鞏功佐新中軍八年與兄俱被譖
而死

趙嬰

一名嬰齊食邑於樓故稱樓嬰通於趙朔妻莊姬成

五年兩兄放之於齊

趙莊子名朔盾子成公增宣八年佐下軍十二年將下軍從荀林父救鄭身後其妻通於嬰齊幾亡其族

趙文子名武朔子母莊姬爲趙嬰被放譖殺同括武從母畜於宮景公以其田與祁奚因韓厥言而反之成十八年悼公立使爲卿襄九年圍鄭將新軍十三年趙四等將上軍二十五年代范匄爲政將中軍二十七年與楚屈建會盟於宋楚人爭先甘心讓之昭元年再與楚會於訖仍讓楚先是冬卒執政八年再合諸侯三合大夫謙讓有禮名聞諸侯在趙氏中可稱賢嗣

惟是怠惰始安不能振奮楚人強橫晉霸衰微中國
之不振自是始不可謂非成季宣孟之罪人也

趙獲

武子見昭三年

趙景子名成亦武子見昭五年當是中軍佐七年子產適晉

趙景子問焉九年如周致閭田

趙簡子名鞅一名志父成子昭二十五年會諸大夫於黃父

謀納王二十六年與知轅納敬王二十九年城汝墳
定六年宋樂祁如晉簡子逆而飲之酒於綿上獻楊
楮六十致范鞅怒謂樂祁於君而執之十三年殺邯
鄲午荀寅士吉射逐之奔晉陽以叛己而知韓魏共

逐寅吉射請而復之十四年殺其宰董安于哀二年
納衛世子蒯聵於戚齊鄭輪范氏栗鞮敗鄭師於鐵
自十四年至哀五年屢圍朝歌邯鄲卒逐范中行氏
哀十三年與吳會黃池十六年蒯聵入國十七年因
蒯聵背德圍衛二十年卒

趙襄子名無恤歎庶子廢其兄伯魯立之哀二十年越圍吳
使楚隆如吳弔之其後卒與韓魏共滅知伯三家鼎
立分晉之大局已成矣

趙羅 趙氏族溫大夫哀二年爲鄭所獲

先氏

宋詳所出一稱原氏蓋其舊稱也僖二十八年先軫
稱原軫是時趙衰方爲原大夫其子趙同曰原同正
義訓與趙氏分原邑而共食之似未必然又陳曙峯
世族譜先氏與范氏同祖隰叔初封於先亦無確據
今從顧氏本缺疑爲是

先友 閔二年爲太子申生戎右

先丹木閔二年爲罕夷戎右 二人世次未詳

先軫 一稱原軫僖二十七年文公創伯佐下軍二十八年

超五等將中軍敗楚師於城濮三十二年文公卒秦
人謀襲鄭三十三年敗秦師於殽生擒其三帥秋敗

狄於箕死之襄公立其子爲卿

先且居一稱霍伯軫子其父死於狄襄公以三命命之將中
軍文元年以諸侯之師伐衛討其不朝請於君先朝
王二年敗秦於彭衙五年卒 案晉卿父子相繼爲
政者止先氏二人

先克 且居子文七年佐中軍敗秦於令狐九年爲箕鄭父
等所殺

先穀 一稱琬子一稱原穀當是克子宣十二年佐中軍從
荀林父救鄭剛愎自用敗師於郟又召狄伐晉十三
年晉人殺之並滅其族而原軫之嗣斬矣哀哉

先蔑

一稱士伯僖二十八年將左行以禦狄文六年如秦

逆公子雍明年趙盾背之立靈公歸而將下軍與秦

戰後遂奔秦

先茅

無事實見傳僖三十三年襄公以其縣賞胥臣

先僕

文二年伐楚以救江

先都

文七年佐下軍九年與箕鄭等作亂殺先克晉人殺

之

先辛

宣元年晉放胥甲辛奔齊 已上五人世次皆無考

荀氏

未詳所出案顧復初曰荀本姬姓國汲郡古文晉武

公滅荀以賜大夫原氏黠是爲荀叔陳曙峯謂荀亦
隰叔之後未必然也其後荀林父將中行稱中行氏
荀首食邑於知稱知氏

荀息

一稱荀叔僖二年請伐虢獻公用其計五年並滅虞
虢爲奚齊傳九年獻公卒里克連殺奚齊卓子息死
之

中行桓子

名林父一稱荀伯一稱中行伯世次無考或云荀息

子僖二十七年文公創伯使爲御戎二十八年將中
行以禦狄遂稱中行氏文七年戰令狐佐上軍十二
年戰河曲佐中軍宣十二年代卻缺爲政將中軍救

鄭與楚戰敗於郟歸而請死士渥濁諫而免之十五年滅赤狄有功景公賞以狄臣千室其族由是遂強案自桓子以下世稱中行伯伯長也字也趙之世稱孟知之世稱伯皆足此義名號歸一圖謂伯爵名與字義乖通人之論固如是乎

荀庚

一稱中行伯林父子國語作中行宣子嗣父爲卿成三年聘魯時將上軍十三年佐中軍伐秦

中行獻子名偃字伯游一稱中行伯庚子成十六年伐鄭佐上軍十八年助樂書弑厲公悼公立將上軍十年與士匄請滅偃陽十三年知罃卒悼公使士匄將中軍匄

讓於偃遂將中軍代知罃爲政十四年以諸侯之師
伐秦諸卿不用命而還十八年圍齊十九年病目出
卒於途

中行穆子名吳一稱鄭甥偃子襄十九年其父病於途立之二
十三年助范氏逐欒盈二十六年聘魯昭元年敗狄
於大鹵時將上軍十二年伐鮮虞滅肥十五年滅鼓
十七年滅陸渾之戎

中行文子名寅吳子昭二十九年城汝濱定四年蔡侯質其子
於晉求伐楚寅求貨於蔡侯弗得遂言於范鞅辭蔡
十三年與士吉射逐趙鞅知韓魏助趙氏而逐之奔

朝歌趙鞅屢圍之哀五年與士吉射皆奔齊其族遂

亡二十七年左齊猶有告陳恒語見傳四十六年矣

荀驪 成三年賞鞏功將新下軍

荀家 與會並爲公族大夫見成十八年

荀會 襄三年逆吳子不至

荀賓 成十八年悼公立爲戎右

中行喜欒盈黨襄三十一年奔齊 已上五人皆荀氏族

程滸 成十八年爲欒書荀偃弑厲公

程鄭 成十八年悼公使爲乘馬御嬖於平公襄二十四年

使代欒盈佐下軍明年卒

知氏

荀林父之弟首食邑於知別爲知氏至知瑤爲韓趙
魏三家所滅在春秋後

知莊子名首荀林父弟一稱知季宣十二年爲下軍大夫從
林父救鄭其子罃爲楚所獲首射楚公子穀臣與襄
老之尸而還成三年佐中軍乃歸楚囚以易其子

知武子名罃首子宣十二年邲之役爲楚所獲成三年始歸
十三年佐下軍伐秦十六年樂書伐鄭居守後以諸
侯之師侵陳蔡十八年迎悼公於周襄元年聘魯七
年代韓厥爲政將中軍十三年卒輔悼公勤三駕敝

楚服鄭以和諸侯其善謀也似先軫其持重也似韓厥其謙遜不伐也似趙武君明臣良事功燦然尤非諸卿所能及也 案晉自僖二十七年文公圖霸作三軍將佐六人謂之六卿文十三年傳六卿相見於諸浮是也迨至成三年賞鞏功作六軍僭王制矣將佐十二人爲十二卿成六年欒書救鄭侵蔡六軍悉出行師之盛前此未有十三年伐秦三軍之外有新軍不言上下是新上下軍已罷止有四軍將佐八人謂之八卿襄八年傳鄭子展云晉四軍無闕八卿和睦者是也自成十三年以後八卿並重垂二十年襄

十三年荀營士魴卒悼公因新軍無帥使屬於下軍
既而舍之由是復三軍舊制仍爲六卿凡六十四年
至范中行氏並亡而六卿亦缺如矣

知朔

營子盈父先其父卒見襄十四年 案傳文云知朔

生盈而死世本營生朔朔生盈而杜氏乃謂盈是朔
弟殊不可解如果盈是朔弟則當云知朔死而盈生
不當云知朔生盈而死矣陳氏世族譜不從杜氏甚
是

知悼子名盈字伯夙朔子營孫非營子也見襄十四年後爲
下軍佐二十九年合諸侯大夫城杞昭九年如齊逆

女卒

知文子名蹀蹀稱文伯殽子昭九年代父佐下軍十五年如
歸葬穆后二十二年與籍談帥九州之戎納王猛於
王城二十六年與趙鞅納敬王二十八年受祁勝賂
譖殺祁盈滅其族三十一年會季孫意如納魯君不
果定十三年與韓魏助趙鞅逐范中行氏明年逼趙
鞅殺其臣董安于與趙鞅盟

知徐吾盈孫當是蹀子昭二十八年魏舒使爲塗水大夫

案晉語知宣子將以瑤爲後韋注宣子知蹀子陳曙

峯謂宣子卽徐吾甚是

荀瑶

蹇孫當是徐吾子國語作襄子哀二十三年伐齊二十七年伐鄭是時晉君孱弱知韓趙魏四族並強共執國政瑶惡趙襄子而剛愎自用韓魏卒與趙謀攻而殺之在哀公後 案晉自宋盟以後伯業衰微數十年不出師虛有三軍之名而將佐諸人不見於傳俱無可考但據昭五年傳云韓起之下有趙成中行吳魏舒范鞅知盈正義云是三軍之將佐也晉中軍以次更代韓起卒時趙成中行吳二人已前沒故用魏舒代魏舒卒而范鞅代范鞅後次當及知盈而盈卒於昭九年其子蹇鞏行幼周而復始次當及韓而

韓起之子須亦前卒其孫不信輩行幼次當及趙成之子鞅故定十四年范鞅卒趙鞅爲政二十二年而卒次當及中行而中行吳之子寅已於定十四年被逐次當及魏而魏舒之孫曼多輩行亦幼次當及范而范鞅之子吉射亦於定十四年被逐次當及知知瑤以知躒之孫故哀二十年趙鞅卒當代鞅爲政也是時晉六卿僅存四卿知伯強三家皆畏之故三家合謀知伯以匹而晉室亦因之以分矣可勝嘆哉

知起

知氏族樂盈黨襄二十一年奔齊

伯氏

未詳所出 案新唐書宋襄公母弟敖仕晉敖之孫
卽伯宗李習之柏良器神道碑云柏氏系自有周叔
虞封晉其支子食邑於伯因以爲氏後世生宗其子
州犁奔楚改伯爲柏則又爲姬姓矣總之皆未敢信
以爲然也

伯宗 宣十五年諫救宋成五年梁山崩以重人之言告景
公十五年三郤譖而殺之

伯州犁伯宗子父殺奔楚詳楚外臣

籍氏

司晉之典籍因以爲氏 陳氏世族譜引新唐書云

柏林父之孫曰籍廕一曰孫伯廕以字爲氏生子司
空頡頏子南里叔子叔子子叔正官伯官伯子司徒
公司徒公子曲沃正少襄少襄子司功大伯大伯子
侯季子一曰籍季季子籍游卽偃偃子談案傳林父
子庚庚子偃偃子吳吳子寅由林父見傳之年至寅
出奔時計一百三十七年僅五世其弟荀首別爲知
氏生子懿懿子朔朔子盈盈子蹇蹇助趙氏遂荀寅
亦五世何得林父孫至談便歷九世耶且傳云高祖
孫伯廕司晉之典籍故曰籍氏及辛有之二子董之
晉於是有董史辛有平王時人其子適晉當在春秋

前屬與之同時則至談約可九世且遠在林父前百餘年何得反爲林父孫耶因其司典籍故以爲氏傳有明文又何得謂以字爲氏耶唐書考古不確一味附會豈可據其說以注左氏傳乎

孫伯厯晉大夫談九世祖系未詳見昭十五年先補於此

籍偃

成十八年悼公使爲上軍司馬襄二十一年爲范氏所囚已而釋之

籍談

偃子一稱叔氏一稱籍父昭五年楚大夫稱爲諸侯之選十五年介荀躒如周葬穆后景王譏其數典忘祖二十二年帥師納悼王

籍秦

談子昭二十七年致戍於周定十四年黨於范氏被

殺

平氏

已下諸族皆未詳所出

平鄭

一稱平鄭父獻公卒與里克欲納文公不果十年爲

惠公所殺經在十一年

平豹

鄭子父被殺奔秦

胥氏

胥臣

食采於臼一稱臼季一稱司空季子從文公出以有

功見僖二十三年二十八年使佐下軍城濮之役蒙

馬以虎皮先犯陳蔡而敗楚師三十三年因薦郤缺
襄公賞以先茅之縣文五年卒

晉甲 臣子一稱晉甲父文十二年河曲之役佐下軍不用
命宣元年放之於衛而立其子

晉克 甲子代父佐下軍宣八年有蠱疾郤缺廢之

晉克 克子嬖於厲公成十七年爲父報怨殺三郤滅其族
十八年樂書等殺之而族亡矣

晉午 曲沃大夫襄二十三年納樂盈

晉梁帶襄二十七年禽齊烏餘 已上二人系未詳或是胥
氏之族故附載之

張氏

鄭氏通志謂張字張侯後遂爲張氏其說甚謬晉自有解氏與張氏何涉且解張一稱張侯何所據而謂是其字耶

張老 成十八年悼公使爲候奄襄三年代魏絳爲中軍司馬

張君臣老子襄十六年代父職

張骼 襄二十四年與輔蹠致楚師

張趯 昭三年與梁丙同見鄭游吉

女叔氏

女叔齊一稱女齊一稱叔侯一稱司馬侯一稱司馬女叔侯
襄二十六年晉執衛甯喜等齊以之先歸二十九年
爲悼夫人如魯治杞田昭四年諫平公許楚求諸侯
亦可謂老成謀國之臣矣

女叔寬一稱女寬齊子昭二十六年守闕塞二十八年諫魏
舒案女寬見傳在叔游前其爲齊子無疑
司馬叔游齊子昭二十八年勸祁盈勿殺家臣

梁氏

梁宏 桓三年曲沃伐翼爲武公戎右

梁餘子養閔二年太子申生伐狄爲罕夷御戎

梁山靡僖八年爲里克御戎以伐狄

梁宏 僖三十三年爲襄公御戎敗秦於殽 案桓三年至

此已八十餘年另提一人

梁益耳文九年與士穀等作亂被殺

梁丙 與張趯同見昭三年楚遠啟疆稱爲諸侯之選

梁嬰父荀躒娶人見定十三年

賈氏

賈佗 從文公出亡有功文六年爲太傅 案昭十三年叔

向語佗寔爲從亡之人世族譜混作賈季大謬

賈辛 昭二十二年有功王室二十八年魏舒使爲祁大夫

箕氏

箕鄭 一稱箕鄭父文七年將上軍居守九年與士穀等作

亂被殺

箕遺

藥盈黨襄二十一年與黃淵等十人皆爲范匄所殺

箕遺

昭二十二年有功王室與前人同名

解氏

解揚

文八年歸衛田宣元年囚於楚旋歸之十五年如宋

楚又執之以歸

解張

一稱張侯成二年爲郕克御戎

解狐

襄三年祁奚舉以自代旋卒

樂氏

樂王鮒一稱桓子襄二十一年譖叔向二十三年黨范氏謀
逐樂盈昭元年求貨於魯叔孫豹真小人之尤者

樂微 昭二十八年魏舒使爲銅鞮大夫

樂丁 哀二年從趙鞅禦齊

閻氏

閻嘉 昭九年與甘人爭閻田

閻沒 昭二十八年與女寬諫魏舒受賂

成氏

成公般昭二十六年戊周

成鮪 昭二十八年論魏舒與成縣

成何 定八年與涉佗盟衛侯而辱之衛叛晉十年佗被殺

何奔燕

大史

司典籍之官

辛有子名皆不傳春秋前適晉爲史官董典籍遂爲董氏董

狐其後也見昭十五年系無考姑冠於大史之首

董狐 宣二年書趙盾弑君

左史 襄十四年從伐秦

大史 襄二十四年謝魯臧石

卜史

掌三筮之官祭史附

辛廖 爲畢萬占仕晉見閔元年 案此人見傳後於卜偃

其寔在偃前故先列之

卜偃 閔元年論畢萬必昌於晉後懷公立稱疾不出二十

五年爲文公占納王

卜人 爲獻公占立驪姬見僖四年

史蘇 獻公時占嫁穆姬於秦見僖十五年

筮史 曹豎侯獨貨之使言於晉侯以釋曹伯見僖二十八

年

史

成十六年占勝楚

史趙

襄三十年論絳縣老人日數昭八年論陳亡哀九年
爲趙鞅占救鄭見於傳者五十八年

史墨

一稱蔡墨一稱史黯昭二十九年論龍見三十二年

論吳亡

史龜

哀九年與趙墨二史並占救鄭

祭史

掌祭官見昭十七年附錄於此

右行氏

獻公時本有左右二行文公又置中行共爲三行荀
林父將中行稱中行氏左行見者二人一爲共華列

諸大夫內一爲先蔑入先氏其後亦不復見惟右行人多且不一族彙錄之以便閱者 案大事表謂賈華將右行遂以爲氏後之右行辛卽賈辛今考右行辛見傳在成十八年賈辛見傳在昭二十二年相距五十四年安得謂之一人耶其說無理今仍以類聚爲是

右行賈華僖六年伐惠公於屈十年被殺

屠擊 僖二十八年將右行以禦狄

右行辛成十八年悼公使爲司空

右行詭昭二十二年有功王室

司馬

官名爲司馬者不一人其有族可考者另載無可考者彙錄之

司馬督一稱司馬烏昭二十二年有功王室二十八年魏舒使爲平陵大夫

司馬彌牟昭二十八年魏舒使爲鄔大夫 案陳氏世族譜以司馬彌牟爲士彌牟誤矣

司馬寅哀十三年會黃池爲趙鞅視吳王

諸大夫

師服 穆侯時人論名子與封桓叔

潘父 弑昭侯者 二人並見桓二年皆在春秋前

頃父 嘉父之父見隱六年亦是春秋前人故皆列之諸大夫首

九宗 唐叔始封受懷姓九宗職官五正遂世爲晉強家五正五官之長九宗一姓爲九族也並見隱六年其名俱不傳姑分載之以存晉室舊家之概

五正

嘉父 頃父子隱六年與宗正同逆鄂侯

里克 一稱中大夫閔二年諫獻公使太子伐狄不聽後受

驪姬賂中立而太子被讒而死僖九年獻公卒殺奚

齊卓子欲立文公不克惠公入國殺之

平夷 閔二年從大子伐狄

杜原款中生傅僖四年獻公殺之

號射 惠公母舅僖八年爲里克戎右敗狄十四年阻惠公

與秦粟 同一母舅也不如文公之狐氏多矣

呂甥

姓呂名飴甥字子金食邑於瑕稱瑕呂飴甥一稱瑕

甥兼食邑於陰一稱陰飴甥僖十年秦伯召之不在

十五年惠公被執於秦輔太子圉監國盟秦穆公而

惠公得歸二十四年與卻芮謀弑文公爲秦伯所殺

左行共華已下六人與右行賈華同爲七與大夫僖十年俱爲

郤芮所殺

叔堅

驪歆

繫虎

特宮

山祁

慶鄭

僖十四年勸惠公與秦粟不聽十五年諫公乘小駟
又不聽因而不救公以致被獲公復國殺之 案昭
三年傳叔向云欒郤胥原狐續慶伯降在皂隸杜注
八姓皆晉舊臣之族今考慶氏見傳者止鄭一人故

附於此

家僕徒僖十五年爲惠公戎右

蛾析 僖十五年勸慶鄭行

顛顛 從文公出亡有功見僖二十三年二十八年文公伐

曹與魏犇焚僖負羈家公殺之

介之推從文公出亡文公入國不與之祿與其母俱隱而死

見僖二十四年

茅茷 僖二十八年代祁羈

醫衍 文公使酈衛成公受甯俞貨而搏其酈見僖二十九

年

萊駒 僖三十三年爲襄公戎右

陽處父一稱陽子僖三十二年報聘於楚明年侵蔡以計殺
楚令尹子上文六年爲太傅易狐趙之班狐射姑使
續鞠居殺之

王官無地文二年爲襄公御戎

狼瞫 殺之役襄公因其勇使代萊駒爲右箕之役先軫黜

之文二年死於彭衙之戰 其友名不傳故不另列

甯羸 甯邑大夫文五年從陽處父於溫知其將敗而還

夷駢 趙氏屬大夫文六年趙盾使送賈季之帑十二年戰

河曲佐上軍

戎津

文七年爲疾右

蒯得

先克奪其田文九年與士穀等殺先克被殺

詹嘉

文十三年晉侯使處瑕因稱瑕嘉成元年平戎於王

公壻池池人名公壻晉侯之壻也見文八年十七年與趙穿

並爲質於鄭

鞏朔

一稱鞏伯一稱士莊伯文十七年如鄭行成宣十二

年爲上軍大夫從荀林父救鄭成三年獻齊捷於周

是冬賞鞏功將新上軍

鮑癸

宣十二年邲之役從軍

逢大夫邲之役舍其二子救趙旃以免二子俱死於戰名皆

不傳故不另列

鄭邱綏成二年爲郤克戎右

其母張成二年喪車從韓厥乘

夏陽說成六年同伯宗侵宋

糴莧 成十年報楚公子辰之使

行人 名不傳成十六年造子重軍

伯子同氏成十八年悼公入國館於其家

鐸遏寇成十八年悼公使爲上軍尉

和緄父襄三年陳服悼公使之告於諸侯

行人子員襄四年因魯叔孫豹不拜歌詩韓獻子使子員問之

田蘇

賢士與韓起爲友見襄七年

師曠

字子野樂官襄十四年與悼公論衛出君昭八年與

平公論石言頗有匡救

虞邱書襄

十六年代程鄭爲乘馬御

州綽

勇士襄十八年禽齊殖綽二十一年奔齊後死莊公

之難

具丙

州綽戎右禽齊郭最

劉難

襄十八年圍齊與士弱焚申池竹木

黃淵

嘉父

與隱六年逆鄂侯者同名

司空靖

邴豫

董叔

襄十八年論楚師已見傳

邴師

申書

叔罷

已上八人與箕遺羊舌虎俱黨樂盈襄二十一年爲

范氏所殺

邴蒯

樂盈黨奔齊

七與大夫名俱不傳樂盈黨見襄二十三年

輔陳

襄二十四年與張幣致楚師

宛沒 襄二十五年與魏舒逆衛侯

行人子朱襄二十六年因叔向召子員子朱怒欲殺叔向

木問大夫名不傳勸衛子鮮仕晉見襄二十七年

邢侯 巫臣子嗣父爲邢大夫昭十四年與雍子爭鄆田叔

魚納雍子女而誣之遂殺叔魚雍子爲晉侯所殺

案狐庸已爲吳行人此另是一人坊間有誤合爲一

人者非是

雍子 楚雍子子嗣父爲鄆大夫昭十四年爲邢侯所殺

案襄二十六年傳彭城之役云云彭城之役在成末

年距昭十四年已四十六年況其奔晉雖無考亦當

在成十八年以前安得合前後雍子爲一人耶

涉佗

昭二十二年荀吳滅鼓使涉佗守之定八年與成何

盟衛侯佗拔衛侯之手及挽以致衛叛十年晉人討其罪殺之

孟丙

魏舒使爲孟大夫 案今本皆作孟丙從補正本改

正

僚安

魏舒使爲楊氏大夫 二人並見昭二十八年

觀虎

勇士定三年爲鮮虞所獲

小主桃甲

詳見析成鮒

郵無恤 一稱子良 一稱郵良卽王良也哀二年爲趙鞅御戎

繁羽 哀二年繁羽御趙羅宋勇爲右

宋勇

長武子哀二十三年荀瑤伐齊將戰長武子請卜

鄒魁壘勇士爲鄭人所俘而死見哀二十七年

外臣

舟之僞號大夫閔二年奔晉僖二十八年代魏犢爲戎右戰

勝先歸文公殺之

苗賁皇楚越椒子父殺奔晉食邑於苗宣十七年晉執齊晏

弱三人賁皇言於晉侯釋之成十八年爲晉設謀敗

楚於鄢陵

屈巫

一稱巫臣一稱子靈本楚申公成二年竊夏姬奔晉

食邑於邢亦稱邢伯七年楚子反等滅其家乃通吳

於晉使其子狐庸爲吳行人卒以覆楚

析公

楚大夫奔晉當莊文十四年見襄二十六年

雍子

亦楚人奔晉食邑於郢見襄二十六年

羽頡

鄭子羽孫爲馬師黨於伯有襄三十年奔晉爲任大

夫

諸小臣

外嬖梁五二五皆獻公嬖人爲驪姬讒害申生并見莊二十八

年

東關發五

寺人披一稱勃鞞僖五年伐文公於蒲斬其袪二十四年文

公復國告呂卻之難二十五年薦趙衰守原

豎頭須文公守藏小吏見僖二十四年

僕人亦見僖二十四年

宰夫廌熊蹯不熟被殺

鉏麇力士靈公使殺趙盾觸槐而死

靈輒翳桑餓人後爲公甲士感趙盾之德而救之已上

三人皆見宣二年

重人絳人成五年教伯宗對梁山崩

桑田巫斷景公不食新被殺

句人

饋人

小臣

夢負景公登天公卒使之殉葬 已上四人名皆不

傳并見成十年

夷陽五卻錡奪其田後與長魚矯等共滅卻氏

長魚矯卻犇與之爭田執而梏之滅卻氏後勸公殺樂書中

行偃不聽出奔狄

孟張

寺人奪卻至豕爲至所殺

清沸魍助滅卻氏

匠麗氏樂書等執公於其家 已上五人皆厲公嬖臣并見

成十七年

揚子之僕襄三年爲魏絳所戮

僕人 悼公僕御見襄三年

梗陽平皇襄十八年斷荀偃死

斐豹 勇士以罪沒爲隸襄二十三年爲范氏殺督戎而除其罪

屠蒯 膳宰昭九年諫平公立荀躒十七年使如周請祭蓋

因其賢而進爲大夫矣

嬖叔 平公外嬖見昭九年

梗陽人魏戊不能斷其獄上之魏舒其大宗賂以女樂並見

昭二十八年

大宗

諸大夫家臣

州賓

樂盈臣通於盈母樂祁見襄二十一年

督戎

樂盈力上爲斐豹所殺見襄二十三年

杜洎羅韓厥之御見成十六年

室老

羊舌肸臣見襄二十一年

弗翰胡祁至戎右見成十六年

鄔臧

祁盈臣與祁勝通室

祁盈臣佚其名殺祁勝鄔臧 二人并見昭二十八年

祝宗 范氏臣文子使之祈死見成十七年

追喜 范鞅之御見襄十八年

公孫厖 范氏收稅臣見哀二年

王生 范氏臣薦張柳朔爲柏人宰

張柳朔 柏人宰爲士吉射守柏人戰死其子名不傳故不列

二人并見哀五年

提彌明 趙盾戎右闕葵而死見宣二年

絳縣人 趙文子屬襄三十年城杞與於食文子知其賢而舉

之

涉賓 邯鄲午臣定十三年趙鞅殺午涉賓與趙稷以邑叛
董安于趙鞅臣定十三年勸鞅備患明年知伯逼鞅討之自
縊而死鞅祀之於廟

陽虎 定九年奔晉爲趙氏臣哀一年從趙鞅送衛蒯聵於
戚

傅佗 從趙鞅與鄭人戰於鐵見哀二年

楚隆 趙氏臣哀二十年爲趙襄子使吳

荀吳襲人昭元年魏舒殺之